

3945
3

6974

ი ს ბ რ ა ს ლ ი ლ ი

(ისტორიული პიემა)

≡ ლ ა ს ხ ვ ა ლ შ ქ ს ე ბ ი ≡

ა კ ა კ ი ს ა

ფასი ორი შაურის

453



ქეცოცხა

ბაგრატ დიდი

(ისტორიული პოემა)

≡ ღა სხვა ლექსები ≡

აკაკისა.



თბილისი.

მხარაფლმბეჭდავი თბილისის სკეცხის ციხისა.

1911.

ბაგრატ ღიღი

ისტორიული პოემა

I.

მზე ჩაესვენა ბრწყინვალე ქართლის
და მან დაჩრდილა მით არე-მარე;
დაბნელდა... მაგრამ მაინც მის ბედზედ
ბოლოს გამოჩნდა შუქ-მფენი მთვარე,

ლაქვარდ ცაზედა წყნარად მცურავი,
პირ-ბადრი, ნაზი, პირ-მომცინარე,
და მას თან ახლდა მისი თან-მსრბოლი
ერთი ვარსკვლავი მოსხივ-ცისკარე.

მაგრამ ამ დროსაც მოულოდნელად
აღმოტყდა სუსხით რისხვის გრიგალი
და აღმოსავლით გადმოიტანა
შავი ღრუბელი დიდი, დიდ-ძალი.

ცა მოწმენდილი, ლაქვარდოვანი
დაიფარა და დაბნელდა არე!
ვით გველვეშაპმა მზეთუნახავი,
ისე ჩაყლაპა ღრუბელმა მჭვარე.

აი-სურათი ქართლის ბედისა,
როდესაც განქრა მისი თამარი,
სანამ ბჭრატი მის ძით გიორგით
არ გაუბრწყინდა შეუპოვარი!

მაგრამ სრულიად განკურნვა წყლოულის
ქართლისა ბედმა აღარ აცალა,
როცა მოჰფინა, ვითა კალია,
მძვინვარე, მხეც-ქმნილ მონგოლთა ძალა!

ლენგ-თემურს თვისის კოკლობისათვის
ჰსურს მთელის ქვეყნის შურის-ძიება,
რომ დააკოკლოს ყოველი ტომი,
რომელზედაც კი ჰსმენია ქება.

და რადგანც მაშინ ქართველთა ტომი
განთქმულობითა იხსენებოდა,
კოკლ-თემურსაცა მისის შურითა
სიამით აღარ ეძინებოდა!

იმას ეგონა, თუ ქართველ ხალხსაც
დაიმონებდა როგორც სხვა ტომებს,
და რომ ნახავდენ მის ურიცხვს ძალას,
ვერ გაბედავდენ ძლიერთან ომებს!

მაგრამ მოსტყუვდა!.. საქმემ უჩვენა,
რომ ქართველთ გულში არ ედოთ შიში!..
ბევრჯელ გაბალთეს მონგოლთა რაზმი,
კენესით აძახეს: „ვაი“ და „ვიში!“

უფრო-და-უფრო გამძვინვარებულს
 გული უძგერდა თემურსა რისხვით
 და რაკი სიმხნით ვერ გააწყო-რა,
 მან მოინდომა, რომ სძლიოს რიცხვით:

„ას-ასს მონგოლს ვცვლი თითო ქართველში,
 ოლონდ კი ვსძლიო!“ დაიღრიალა,
 და ბოლოს, მართლაც, როდესაც მოსწყდა
 მეომარ მხედართ საქები ძალა,

გულადი ბაგრატ მცირისლა რაზმით
 ღონე-მიხდილი ტყვედ წაიყვანა;
 მაგრამ დაპყრობა სრულად ქართლისა
 გიორგიმ მაინც დაუგვიანა.

მამისა კვალზედ მხურვალედ მსვლელი
 მთებში შესულ ხალხს ის აღელვებდა
 ხან იქ, და ხან აქ, მოულოდნელად,
 მონგოლთა რაზმში გაიელვებდა.

მოსწყდა თან-და-თან ქრისტიანობა,
 აოხრდა სრულად ნუხის მაზრები,
 მაგრამ ჯერ მაინც კი არ დამცხრალან
 მძვინვარე თემურ-ლენგის აზრები:

კიდევ სხვა მხარეს დაიბანაკა
 მსხვერპლად აიღო რა ზაქათალა!
 აქაც ჰსურს; თვისი რისხვა მოჰფინოს,
 გამოიჩინოს სასტიკი ძალა!...

გახსია ბრძანება მან მთელს ბანაკში,
რომ შეისვენონ დაღლილთა ძილით,
იმატონ ღონე და მეტ მკაცრობით
ხალხი მოსრისონ, რა ადგენ ღილით!

ვინ გაბედავდა იმის ურჩობას,
ბრძანება უჩნდათ, როგორც ღვთის ნება!
დაწვენენ მონგოლნი, მაგრამ ქართველებს
არ აძინებდა გულისა ვნება!

II.

შუალამეა. ბნელი უკუნი
ზე დასწოლია ქართლისა არეს,
რომ ძილში მაინც მან შეუყენოს
ოხვრა და კენესა წყლულსა, მწუხარეს.

ცა მშობლიური, ლაქვარდოვანი
ვარსკლავებით და მთვარით შემკული,
ვით მგლოვიარე ძაძით მოსილი,
ნისლში იმარხვის ჩაშავებული.

ყვავილთა, თითქოს ნიშნად გლოვისა,
შეჰყენებიან სუნნელთა ფშვენა,
და ბულბულნიცა ჩვეულებრივად
ალარა სტვენენ... დაჰბმით ენა!..

მათ ნაცვლად მხოლოდ ამ ბნელს წყვედიადში
 გამღვარა ლეშის სუნი საზარი
 და მასთანც ისმის მგლისა ზუილი:
 ქართველის მძორს ეძებს გაუმადლარი.

ამ დროს მოისმა აქ ორი კაცის
 ახირებული რამ საუბარი:
 ერთი ჰყვედრიდა მეორეს, მაგრამ
 გულ-მტკივნეულად, ვით მეგობარი;

და მეორე კი შეუპოვრობით
 პასუხს აძლევდა ხმის კანკალითა
 და მის პირისგან ყოველი სიტყვა
 გამოდიოდა რალაც ძალითა:

პირველი ხმა

— „აოხრდა ქართლი, ქრისტიანობა
 ჩვენის მოწმობით თან-და-თან სწყდება,
 მაგრამ გმირული მისი სახელი
 უკუნისამდე არ დავიწყდება!“

„ცოცხალ მონაზედ უმჯობესია
 თავისუფლების ძებნაში მკვდარი!
 იმისი საქმე შთამომავლობას
 ბნელს გაუნათებს, როგორც ლამპარი!“

„დღემდის ყოველი მეფე ქართლისა
ამ აზრით იყო ხომ შემსქვეალული?
და შენ კი, გმირო, რად გვიღალატე?
რამ შეგიცვალა ფოლადის გული?“

„გვითხარ, რად დაჰგმე შენ ქრისტეს სჯული?
რად შეარცხინე მით საქართველო?
სკიპტრა, გვირგვინი და შენი ქება
შენვე დააქნე, ვით მწვანე მღელიო!...“

„ქართველთა მეფე, დიდი ბაგრატი,
სახელ-განთქმული, დღემდე სვიანი,
ისე დაეცა განა დღეს სულით,
რომ უნდა გახდეს მაჰმადიანი?“

„ოჰ, რა მაგალითს აძლევს ქართველებს,
განთქმულთ, წინაპართ საკვირველ შვილებს
განთქმული მეფე! მისის მიბაძვით
სულით დაცემას მათ უადვილებს!..“

„თითქოს გიყვარდა შენი სამშობლო?!
მაგრამ არა, სჩანს, ჩვენ ვსტყუვდებოდით.
შენ ის გიყვარდა შენ სადიდებლად,
შენ საპირადოთ!.. რას მიეხვდებოდით?!“

„დღეს კი შემთხვევამ ცხადათ გვიჩვენა,
რაც გულში გქონდა შენ დაფარული;
შექმნილო კერძო ცხოვრებისათვის,
იყავ ამიერ შეჩვენებული!..“

მეორე ხმა

— „ხა! ხა! ხა! ხა! ხა! გხედავ მოხუცო
სიბერისაგან გამოყრუებულს!..
აზრს ველარ იკრებ სასწორ-მხედველოდ
და ვერ იმაგრებ აღელვებულ გულს.

„ნუ თუ გგონია, მაგ შეჩვენებით
ის შეაშფოთო და შეაშინო,
და მაგ მწარისა საყვედურებით
სინანულისა ცრემლი აღინო,—

„ვინცა თავისი სამოთხე ტკბილი
მწარ-ჯოჯოხეთზე მტკიცედ გასცვალა
და ამ ქვეყნადაც გულით ატარებს
იმავე ჯოჯოხეთს!.. სწავეს მისი ძალა?

„მაგრამ გაბოდებს გულის ტკივილი,
ტყვე—ტყვეს მამხილებ საყვედურითა,
და გსურს მოაღბო ეს ჩემი გული
ვითა ყმაწვილის, ცრემლების ღვრითა.

რაც უნდა მითხრა, არ გაგცემ პასუხს!
რაც რომ ცხადია, რაღად დაეფიცო?
მაგრამ ბაგრატის პირადობა კი,
არ შეგიძლია, რომ დაამტკიცო.

„ორგვარი არის ქეშმარიტება:
ნამდვილი და თანც მოჩვენებული;
მათი გარჩევა მეტად ძნელია,
ხშირად სტყუვდება საბრალო გული!

„და რა იცი, რომ ქეშმარიტია,
რომელიც შენ გაქვს, ის საფუძველი,
და, ვით აქამდე შენს თვალში, აწცა
ისევ დარჩება დაურღვეველი?
შენ სცდები ..“

პირველი ხმა

— ვინა? განა მე ვსცდები?
შენ გსურს სინათლედ მიჩვენო ბნელი?
ნეტავი მართლა!... ოჰ, რომ შეგეძლოს
და გამიქარვო ეს ცეცხლი მწველი!...

„მაგრამ ამაოდ!... ვერ მოესტყუვდები,
ცხადად ვუყურებ შენს მოქმედებას:
თუ ვითა სწირავ შენს პირადობას
ჩენი სამშობლოს მალალ-დიდებას.“

„სანამ გვირგვინი თავს გედგა ქართლის,
მისთვის იყავი თავ-განწირული,
და დღეს, როდესაც ყველა დაჰკარგე,
ტყვემან იცვალე დროს შეცვლით, გული.“

მხოლოდ პირადის სარგებლობისთვის,
რომ დაიმოყვრო ლენგ-თემურ მხეცი,
მის წინ მლიქვნელობ და მაჰმადის სჯულს
მოწინებითა თაყვანი ეცი!“

მეორე ხმა

— „მისივის, რომ მიყვარს მე საქართველო!“

პირველი ხმა

— „არა, ეგ რა სთქვი! ვინ იტყვის უარს
თვის საყვარელზედ და აიღებს ხელს?
სჩანს, აღრე გძულდა და არც აწ გიყვარს.“

მეორე ხმა

„ეგ იმან მითხრას, ვინც სამშობლოსთვის
ჩემზედ უმეტეს ნამსახურია
და ჩემზედ მეტი იმის გულისთვის
ოფლი და სისხლი ერთად უღვრია!

ჯერ დამიმტკიცე, აბა მიჩვენე
ბრწყინვალე ღვაწლი შენი წარსული
მამულისადმი, და ჩემ ღვაწლსაცა
შენ შეუწონე ის დაფარული,

რომ მით დამტკიცდეს, თუ ამ ჩვენ ორში
ვის უფრო უყვარს თვისი მამული
და საპირადოდ, კერძობითა
ვის უფრო უცემს ამაყი გული?
აბა მოჰყევი!“

პირველი ხმა

— „შენც კარგად იცი,
ვის არ ჰსმენია ჩემი სახელი?!
სადაც იოსებ კი შევარდნილა,
გამაგრებულა იქ ბრძოლის ველი.

„სანამ სიბერემ არ დამასუსტა,
მტერზედ მახვილი არ გამცდენია
და თავ-განწირულს, შეუპოვარსა
სისხლზედა სიხლი დამიდენია!

„თეთრი აღარ მაქვს თავზედ იმდენი,
რამდენიც ტანზე მტრისგან კრილობა!
არ შემდრეკია აროდეს გული,
მით დავიმტკიცე ქართელის შეილობა.

„ჩემი ცოლ-შვილი, ჩემი სახლ-კარი,
ამ ქვეყნიური მე ნეტარება,
ყველა შევსწირე ტკბილ სამშობლოსა,
მინდოდა მისი ბედნიერება!

„მაგრამ სიბერით რომ მოეუძლოური
და არ შემეძლო ხელის ხმარება,
ბერად შევსდგე, და საქართველოს
ღმერთსა ვავედრებ! მდის მღულარება.

„მეც შემომიჩნდა ლენგ-თემურ მხეცი,
რომ შემეცვალა ეს ჩემი სჯული,
მაგრამ შენსავეთ არ მოვხიბლულვარ,
არ გამყინვია მხურვალე გული!“

მეორე ხმა

— „კეთილი! მაგრამ ქართლისა ბედმა
სჯულის გამოცვლა რომ გთხოვოს მსხვერპლად,
ამა სოფელზედ ხელ აღებული,
დასთმობ იმ სოფელს შეუნანებლად?“

პირველი ხმა

— „სჯული ქრისტესი?!.. ხომ არა ხუმრობ?
ეგ ჩემს განზრახვებს აღემატება:
ეშმაკებისთვის სულის შეწირვის
მირონ-ცხებულსა არა მაქვს ნება.“

მეორე ხმა

„მჯერა! ეგ არის შენი რწმუნება
შეუხებელი, შეურყეველი!
და მაშ ახლა მეც დამიგდე ყური,
და, რომ მომისმენ, პასუხს მოველი:“

„ქკუთ სრულსა და გრძნობით აღვსილ კაცს
ვერ შეაშინებს უბედურება!..
რამდენიც უფრო ხელი ეშლევა,
ის უფრო კერპად ემსახურება!“

„მისგან არჩეულ ცხოვრების საგანს
და სიკოცხლესთან შეკავშირებულს
მაშინ გასწყვეტს ის, როცა კუბოში
ჩასდებს ცივსა და უგრძობელსა გულს.

„კოლის დამკარგვი სხვა კოლს შეირთავს,
მკვდარ შვილს უქარვებს მეორე შვილი,
მაგრამ მაგიერს კი ვეღარ კპოვებს
კაკო, თუ არ ჰყავს მას დედა ტკბილი.

„რა გინდ ღირსებით შემკულიც იყოს,
ვერ იქმს დედობას დედი-ნაცვალი!
თუ შვილზედ საშო თვით არ ასწვია,
განზედ უქირავს ყოველთვის თვალი.

„მეფე დამთბობი ერთხელ გვირგვინის,
ბევრჯელ მეორედ ისევ მიიღებს,
და დაცემის დროს მიღებულსა წყლულს
აბალი ბედი სრულად ავიწყებს.

„მაგრამ, ვინც ერთხელ სრულად დაქარგავს,
გულთი გასწირავს რა მისს სამშობლოს,
ის სანუგეშოდ უკუნისამდე,
ნულა შოელის კეთილსა ბოლოს.

„არ ვგლოვ მე გვირგვინს და არც ჩემს სახელს,
ოდესმე განთქმულს და განბრწყინებულს;
ვითლა მახსოვდეს ის მკირე რაში,
როს საქართველოს ვკვრეტ აობრებულს?

„თვალ-წინ მიდგია ახლაც სურათი,
ის საზარელი დასანახავი,
როცა კალოზედ, ვით ბზე, მოლენეს
ძუძუს-მწოფრები, უკულიტეს თავი!...

„მათი კენესა და მათი ტირილი,
დედების მოთქმით შეზავებული,
დღესაც ურებში მე მიწივიან,
ტვინი მეწვის და მეწამელის გული.

„ხომ გახსოვს, ოდეს ქართველთ კაბუკნი
ხელ-ფეხ შეკრულნი, დატიტვლებულნი
ველზედ ეყარნენ... და ზედ მონგოლნი
დაჯირითობდნენ გამძვინვებულნი?...

„და ან ის ელეტა... ჰაგრამ, ეპ. კმარა....
რომელი ერთი უნდა მოვსთვალო?!
უთვალაუბა დღეს ქართველის ტანჯვა!
გადმოიხედე ზეცით, უფალო!

„სამშობლოს ტანჯვის უძლურ მოწამეს
არ შემჩიებოდა აქამდე სული,
თუ რაღაც დიდსა უცნაურს ძალას
არ განემტკიცა კერპად ეს გული.

„არც ეს ქვეყანა, არც ის ქვეყანა
მე აღარ მინდა, არც ერთი არ მსურს...
სანამ ლენგ-თემურს სამაგიეროს
არ გადუხბდი და არ მივაგებ შურს...

„მაგრამ რა გვარად? ტყვე ვარ უძლური,
 მოსწყდა ქართველი მისი გმირობით!
 და ძლიერ ხალხთან რაღას გავაწყობთ
 ჩვეულებრივის პირ-და-პირობით,

„თუ არ ხერხითა და ცბიერებით?
 და განვიზრახე მე მოტყუება
 ლენგ-თემურისა სულის გაწირვით,
 და აწ, უფალო, შენია ნება!

„ლენგ-თემურ თუ არ მაჰმადიანსა
 არ მიენდობა სრულისა გულით!..
 და მაშ მოხუცო, აჰა მიზეზი,
 თუ რა მიყურებ შეცვლილსა სჯულით.

„ჩემი სამშობლოს გამოხსნისათვის
 უკანასკნელად ეს მოვიგონე
 და საიქიოც რომ დავივიწყე,
 სული ჯოჯობხეთს მე დაეამონე.

„ვიცი, იქ ტანჯვა უკუნისამდე
 არ მომეშლება, არ არს ადვილი!
 მაგრამ ვინც მამულს სულსაც არ სწირავს,
 იმას არ ჰქვიან მამულის-შვილი!..“

როცა შესწყვიტა ეს საუბარი,
 მეორემ უთხრა: „მეც შენთან ვარო!“
 და დაიყვირა: „უნდა უარ-გყო
 და ნუ შემრისხავ შენ, მაცხოვარო!“

ამ დროს უეცრად ბნელი განათლდა,
 ცა გაიხსნა რა, გაიღო კარი
 და ორი კაცი გამოაჩინა:
 ბაგრატი და ისაკ, მისი მოძღვარი.

მუხლ-მრყრით მალლა ხელ-აპყრობილნი
 უხმო-უსიტყვოდ ცას შეჰყურებდნენ
 და საქართველოს ქირისგან დახსნას
 უკანასკნელად მას ავედრებდნენ.

III

ძილი გაუტყდა ერთხელ ლენგ-თემურს
 შეიხმო თვისთან ბაგრატი გმირი,
 დასხდენ კარავში მარტოკა ორნი
 და შეგობრული იწყეს თათბირი:

ლენგ-თემური

— „სული სულს იცნობს, გულს უგრძნობს გული,
 გმირსა მიჰბაძავს ქცევითა გმირი,
 და რომ თემური ბაგრატს უყვარდეს,
 ჩემთვის არ არის ეს გასაკვირი.

„კარგად თუ ავად, შემთხვევამ იცის,
 მაგრამ მთლად შესცვლის კაცს სიყვარული,
 რა ახალ აღთქმად ის გულში სჩნდება,
 მყისვე ირღვევა აქ ძველი სჯული.

„მაგრამ ამასაც, როგორც, ყველაფერს,
 დრო შეუბრალო ბოლოს მოუღებს
 და, ერთხელ შმაგსა გულის ვნებითა,
 სინანულითა მაშინ აწუხებს.

და ეგებ ბაგრატ შენც მეგობრობის
 სიყვარულით ხარ დაბრმავებული,
 და თუ ოდესმე გული შეგერყა,
 სჯულზედაც დარჩე შენანებული?“

ბაგრატი

— „თუ არ რწმუნება შეურყეველი,
 რა შეაძლუნებს, რომ გადაჰყვეს გულს,
 გულსა შენახულის სოფლის ბრუნვისგან
 და თავს ქალარით დაგვირგვინებულს?

„ვეიცავ მე ზეცით გულთა მხილავსა
 და მასთან ყოველთ წმინდათა ძალებს,
 რომ დრო ვერ შემცვლის და ვერ გამიქრობს,
 დღეს რომ გულში მწვავეს, მე იმა აღებს!

„რასაც დღესა ვგრძნობ, მე ის რწმუნება
 კუბოს კარამდე მიმყვება სჯულად!
 არა, ძლიერო, მაგ ექვებითა,
 გეტყობა, მსახავ გულში ორგულად!“

თემური

— „მე? არაოდეს!.. მაგას ნუ ჰფიქრობ!..
 განა არ ვიცი, რაა ქართველი?
 მის შესადარი არსად მინახავს,
 თუმც აზიისა ვარ მე ზომელღლი!

„სულით მაღალი და გულით მტკიცე
მ. სი განზრახვა უზაკველია,
და სანამ პირში სული უდგია,
მის დამონებაც—უფიქრელია.

„რომ მითხრას, ზაგრატს ნუ ენდობიო,
თუ არ თვითონ შენ, ვინ გამიბედავს?
არა ძმობილო, შენც კარგად იცი,
რომ თემურ-ლენგი ძლიერ შორს ჰხედავს.

„მაჰმადის სჯული რომ სჯობს ქრისტესას,
ამას კეივანი ზაგრატ თვით მიხვდა;
მაგრამ ტყვედ-ქმნილსა ამდენს ქართველსა
თავისი სჯული რად დაავიწყდა?“

ზაგრატი

„ქართველებიდან მაგ გვარი ქცევა
სულაც არ არის გასაკვირვალნი:
საითაც მათი მეფე გაიწევს,
მათაც იქითკენ უჭირავსთ თვალი.

„ქართველთ მეფეთა თავ-განწირულთა
მითი მინდვეს ქვეშევრდომთ გული,
რომ არაოდეს არა ყოფილა
ხალხი იმათგან მოტყუებული.“

თემური

— „მაშ თუ მაგრეა, მთლად საქართველოც
შენს მაგალითსა მალე მიჰბაძავს?..
და მაშინ სჯულის ეგ შეთანხმება
ჩვენ ორ ტომს შუაც ჩამოაგდებს ზავს?“

ბაგრატი

— „ეგ არ იქნება. ამით არ მოშლის
ქართველთა ტომი ქრისტეს სამსახურს!
ის ჰბაძავს მხოლოდ ძლიერს მეფესა
და არა ტყვედ-ქმნილს, უტახტოს, უძლურს.

„ოჰ, რომ შეკონოდა მაშინ ეს აზრი,
როდესაც ვიყავ მეფე ძლიერი,
დღეს მაჰმადის სჯულს აღიარებდა
ერთად ჩემთანა ქართველისა ერი!

„მაგრამ რაღა ღროს, გვიანღა არის
ამაზედ ფიქრი, მოთქმა, გოდება,
სინანულითა თვის ნეკზედ კბენა
და უნაყოფო ცეცხლთა მოღება!“

ყურსა უგდებდა ამ სიტყვებს თემურ,
თითქოს ჰხერეტავდა ბაგრატსა თვალით;
ბოლოს მოსდო მას კისერზედ ხელი
და მოჰყვა ისიც ხმისა კანკალით:

თემური

— „ბაგრატი! შენ გიციობ მხოლოდ მე კაცად
და მისთვის მიყვარს შენთან თათბირი,
რომ შენი სიტყვა სხვისას არა ჰგავს
და არ გატყდება ეგ შენი პირი.

„შენც კარგად იცი ღედა მიწაზედ
არაფინა მყავს მე ჩემი ტოლი,
მაგრამ ვერაფის ვერ მივნდობივარ,
გულით ურწმუნო, სულით ობოლი.

„ვის უნდა ვენდო? განა არ ვიცი,
 თუ რას ჰფიქრობენ ჩემი საძღვლები?
 თუ მნახეს ერთი წაფორხებული,
 ღამესევიან როგორც რომ მგლები.

„თუ არ უიშითა, სხვა ვერაფრითა
 მოიბირება იმათი გული!
 მათ ზნეობითი გრძნობა არა აქვთ,
 ქართველს არა ჰგავს, ვხედავ, მონგოლი.

მე მსურს ამისთვის, რომ საქართველო
 ხელში ჩავიგდო, ჩემსკენ მოვიმხრო
 და სჯულით მათთან რა შევკავშირდე,
 სხვა ხალხი როგორა და სისხლი ვღვარო.

შენ მეყოლები მარჯვენა ხელად,
 ქართველთა რაზმსა ჩემთვის დააწყობ
 და შინ ვით მეფეს და ერთგულ ძმასა
 დაპყრობილ ხმელეთს შუა გაგიყოფ.

„როცა ბაგრატი ზურგს გამიმავრებს
 და თან მეხლება ქართველთა ჯარი,
 მაშინ ხმელეთზედ ჩემს სამეფოსა
 აღარ ექნება არსად საზღვარი

„ახლა ხომ იცი ჩემი ზრახვანი,
 რაც ვსთქვი, შენ ლომო, ხომ გაიგონე?
 მაშ წაიყვანე ჩემი ჯარები
 ხვალვე და ქართლი მთლად დაიმონე.“

IV.

შეჰკრეს ამ გვარად გმირთა პირობა,
 გამოემგზავრა ქართლისკენ ბაგრატი!...
 და არ იცოდენ, რად მოდიოდა—
 ქართლის სამოყვროდ, თუ მოსისხარ მტრად?

კახეთში მყოფსა მეფე გიორგის
 შიკრიკი აძლევს ბაგრატის წერილს,
 რომლითაც მამა გამოჩენილი
 ამას მიუწერს შესანიშნავს შვილს:

„შვილო გიორგი! ჩემი სურვილი
 ასრულდა, სცხრება გულისა ვნება:
 ლენგ-თემურისა სასტიკ ხელიდამ
 ჩემი გამოხნა ღმერთმა ინება.

„ამხედრდა ქართლის დასაპყრობლად
 მონგოლთა ჯარი დიდი დიდ-ძალი;
 დღეს გარეგნობით მაჰმადიანი,
 მე ვარ იმათი დიდი სარდალი.

„ბერდუჯის ახლოს ერთს ხეობაში
 მე შემოვიყვან გზა-დაბნეულ ჯარს
 და მაშინ, გმირო, აბა შენ იცი,
 თუ მძვინვარეთა როგორ დასცემ ზარს“.

ვითა მალამო წყლულს, სამკურნალო
 ისე ესწრაფათ ეს ცნობა ივერთ
 და ერთხელ კიდევ თავ-განწირვითა
 ეკვეთნენ გმირნი მოუსვენარ მტერთ.

არ დაუგდიათ აღარც მთხრობელი,
 ბევი აავსეს მონგოლთა ლეშით;
 და სხვა მტრებისა აღარ მლოდენი,
 დარჩენ ქართველნი ტკბილის ნუგეშით.

კვალად მიიღო რა თვის სამეფო,
 ბაგრატიმა ქართველთ დაუდვა გული
 და იმერ-ამერთ შეერთებითა
 კვლავ განუკურნა სამშობლოს წყლული.

ასე იღვწოდა მამულისათვის
 თავ-განწირული ის წინაპარი
 და, რომ მის ხსოვნას თაყვანი არ სცეს,
 მისთანა ჩვენში აბა ვინ არი!?



გორგასლანის სიმღერა.

ვახტანგმა ხელი ხმალს ვიკარ,
მტერს როგორ შეუშინდები!
სიციცხლეს მსხვერპლად გავსწირავ,
სულითაც დავეწინდები!

გაჲს ოთხი გუნდიც მეხვიოს,
მარტოსა მეჯარებოდეს,
თუ რომ გავექცე, „ფუ“ მითხრან!
დარჩენა მეჯავრებოდეს!

ჩემი ძველების ანდერძსა
ვერ გავსტებ დიაკურადა:
ან მოვკლავ, ან შევაკვდები
ქვეყნის მტერს ვაქეაცურადა.

მეც ანდერძს გაუტებელად
გადავცემ შვილი-შვილებსა...
ერთი დგმის ღვაწლი მეორეს
ცხოვრებას უადვილებსა.

გულს ვერ გავიტებ ბაყათარ!
ვერ დავაჩლოუნგებ ძველ ხმალსა,
აწ ვერც დავაგდებ გულ გრილად
წინა პართ გზასა და კვალსა!



ს ი ყ ვ ა რ უ ლ ი

მინდა რამ ვსთქვა, მაგრამ თევზი
მაგონდება მის ანდაზით,
და სიტყვებსა ეს მიზეზი
გულში მიკლავს უხმოდ ბრაზით!..

—

პირში ლაგმით რა უნდა ვსთქვა?..
მხოლოდ გეტყვი გადაკვრითა
და თუ გული არა გაქვს ქვა,
უნდა დასდნეს ამ ცრემლთ ღვრითა.

—

„პირველ ყოვლის მოგაგონებ
შენს ცხოვრებას წმინდას, წასულს...
არ დაეფარავ!.. დაგალონებ
და ვაშფოთებ ამით შენს გულს!

—

გახსოვს, ოდეს ცხრა კლიტულში
შენ სცხოვრებდი დედოფლურად?..
სიმხნე გედვა მაგ კლდე გულში
და ვერ გპოვეს მათ უძღლურად?..

—

იმ დროებში შენი შოვნა
ბევრს უნდოდა ანგარიშით,
მაგრამ ვერვინ დაგიმონა
ვერც შეცდენით, და ვერც შიშით.

სპარსელს თურქსა და ბერძენსა
 არ ჩაუგდე თავი ხელში,
 გულით მტრედს და სულით ბრძენსა
 ვინ გჩაგრა ვდა ამ სოფელში?!...

—

თავ-შეხვეულს შენ მოტრფიალს
 უგზავნიდი ხშირ შერცხვენას,
 არ დასდევდი შენ იმის გულს
 და არც არას იმის წყენას!...

—

მხოლოდ ერთი მე გიყვარდი!...
 ჩემიც გსურდა სიყვარული!...
 შენ ჰყვარდი, ვითა ვარდი,
 მეც გეტრფოდი, ვით ბულბული!...

—

მაგრამ ბოლოს მილალატე
 ულოდნელად, დიაკურად!...
 გულში ცეცხლი მომიმატე,
 გამაშმაგე არ კაცურად!..

—

მოხიბლულმა, ვითა ჩერო,
 მე დამაგდე ცოცხალ-მკვდარი
 და ხომ გახსოვს, მშვენიერო,
 თუ მე მაშინ რა გითხარი?

—

„ნუ სტყუვდები, თავის მტერო!..
 მე მაგდებ და სხვასთან მიხვალ?
 მაგრამ დღეს კი, ბედნიერო,
 რად არ ჰფიქრობ, რა გელის ხვალ?!

—

„მონის ფასად დაგიჯდება
 დღევანდელი ეგ ალერსი!..
 ხასისათვის ვინ გიქდება?..
 რად არ იცი შენ ეგ წესი?!..“

—

„ბევრის აღთქმით, დიდის ხერხით
 რომ ჩაგითრევს და შეგაცდენს,
 მერე ზედ შეგდგება ფეხით,
 დაგიმონებს, ცრემლებს გადენს!...“

—

„ლეჩაქს მოგხდის, გაგაშიშვლებს,
 ბანგს შეგასმევს, დაგაძინებს...
 გამოგიზრდის მონად შეილებს...
 და თვითონვე შენ დაგცინებს!..“

—

„ამ თავითვე იქცვიანე!
 ნუ ენდობი გარყენილს, მაგ ავს!
 და მაშინ მეც, გეთაყვანე,
 მსხვერპლად შემოგწირავ ჩემ თავს!..“

—

„მაგრამ, ვაი, ყურს არ მიგდებ,
 მაცდურისკენ თვალს იშტერებ!..
 მისთვის გულში მწველს ცეცხლს იღებ!..
 მისთვის მხოლოდ გულს აძგერებ!..“

—

„მიკვირს, მიკვირს, რად არ გრცხვენის!
 ჰხედავ როგორ გიშვერენ თიის?!..
 ონოფრე ხომ ხარბათა გრყენის
 და შენ კი ვერ ბაძავ ივდიოს!..“

—

ეს გითხარი, მაგრამ შენ კი
ჩემი აღარ დაიჯერე:
შეიყვარე ის გულ-მანკი,
გულიც მისთვის აიძგერე!..

—

აიძგერე და ეხლა კი,
რაც გირჩიე მაშინ, ყველა
მაგონდება, ვით არაკი,
და აღარ გაქვს მაინც შეელა!...

—

მაგრამ იცი, მე რას გირჩევ,
ვით სნეულსა და ავადმყოფს?
თუ ორს კირში ერთს აირჩევ,—
გარყენას, ისევ სიკვდილი სჯობს!...

—

სხეასაც გირჩევ, მაგრამ თევაზი
მაგონდება მის ანდაზით
და სიტყვებსა ეს მიზეზი
გულში მიკლავს უხმოდ ბრაზით!...“



სხვა გვარი ცრუმბა

თუმცა არ იცხებ ფერ უმარულსა
 არ იხუჭუჭებ შენ კეკლუცად თმას:
 მაგრამ მიმატებ მაინც სიყვარულს
 და აორკეცებ ამ ჩემ გულის-თქმას.

*
 * *

საქვეყნოდ გეტყვი, რომ დაიჯერო:
 გამსკვალული ვარ მე სიყვარულით!
 მსურს, გული მხოლოდ შენთვის ვაძგერო
 და შემოგველო თავს სიხარულით!

*
 * *

მისთვის მიყვარხარ, რომ შენ ხარ ქალი
 კემარიტების გრძნობით აღესილი;
 რომ აასრულე მშობლობის ვალი
 და გამოზარდე მამულის-შვილი!...

*
 * *

რომ ნანინაში შენს პატარა შვილს
 არ უმღეროდი მრუდე მალლობას
 და სიყრმიდგანვე იმ უმანკო ჩვილს
 მით არ აჩვევდი რამ საძაგლობას!

*
 * *

ეტყოდი: „თუმც ხარ შენ ჩემი შვილი,
 მაგრამ ეკუთვნი უმალ სამშობლოს!
 შენ კი მიიღე ღირსი სიკვდილი
 და დედა-შენმა, დეე, იობლოს!

*
 * *

უცხო ხალხისგან დამონებულნი
 ვართ, შეილო! არ გვაქვს ჩვენში ჩვენ ბინა,
 იზარღე მათ მტრად, არისხე გული,—
 ეს არის ჩემი ტკბილი ნანინა!“

* *

წერთნიდი რა შენ შეილს აი ამ გვარად, ო
 ქეშმარიტების გზა მოუპოვე
 და სიყვარული მამულის მარად
 დედის რძესთანა თან შეაწოვე!

* *

მომეცი ხელი, გული მაქვს ცხელი,
 რომ მოგეხვიო, მომეცი ნება!
 შენ გენაცვალოს კეკლუცთ ყოველი,
 ოხერიც იყოს მათი მშვენება!

* *

მე შენ არ გეტრფი შვენებისათვის,
 არც თითები გაქვს ბროლივით თლილი!
 მე გაიმბორებ ხელზედ მისათვის,
 რომ მაგით გეპყრა მამულის-შვილი!

* *

შენს მკერდს ვემთხვიო, მაქვს მე სურვილი
 თეთრი რომ არის—მისთვის კი არა!
 არა!.. მისთვის, რომ მამულის-შვილი
 ქეშმარიტ დედას მაგ გულში გეპყრა!

* *

მაშ ნულა იცხებ ფერ-უმარულსა,
 ნურც იხუჭუქებ შენ კეკლუცად თმას!
 ვერ მომიმატებ მით სიყვარულსა,
 ვერც გაადიდებ ამ ჩემ გულის თქმას.



ლეგენდიდან—„გოგია მეჩანგურღ“

ჩემს სამშობლოსა ღალატი
 შავ ნისლივით ჩამოაწვა:
 ძმამ—ძმას საფრთხე გაუთხარა,
 შეიღმა მამა ჯვარზედ აცვა!..

ისარგებლა მით სტუმარმა,
 ჩემგანავე მოწვეულმა,
 სტუმრობა რომ არ იკმარა
 მასპინძლობა უთხრა გულმა.

მაგრამ იმის მასპინძლობას
 ჩვენ ქვეყნისთვის არ აქვს მადლი
 უცხო სენი თვალთ-მაქცური
 გულ-ღვიძლს უხრავს, ვითა მატლი!

და მის შემდეგ ჩემს სამშობლოს
 თვისი ფერი შეეცვალა,
 და ნაყოფის მოცემაში
 დაეკარგა ძველი ძალა!

ვარდი ეკლად შეიცვალა,
 საპატიო გახდა ანწლი
 და პურის წილ ითვისება
 მგორვალა და მავნე ღვარძლი!..

მაგრამ ძმებო, ნუ შეეკრთებით!
 სასხლავს მივყოთ ყველამ ხელი:
 ეკალს ძირი ამოვუგდოთ,
 სისხლით ვღებოთ მთა და ველი!..

✓ ეკლნარშია მწარ სიცოცხლეს
 ვარდნარშია სჯობს სიკვდილი!..
 ამით უნდა იმსკვალოდეს
 მამულისა ვარგი შვილი!..

უსამართლო ძლიერებას
 საუკუნო არ აქვს ძალი,
 უძლეველი საბოლოოდ
 არის მხოლოდ სამართალი.

და მაშ, ძმებო, დრო ძვირად ღირს...
 ნუ დავკარგავთ, დავეშუროთ
 და ჩვენისა თავ-განწირვით
 შეიღებს ქუდი დავახუროთ,

რომ ჩვენისა თავ-შეწირვით
 აღარ ექმნესთ მონობით წვა,
 და აღარც სთქვან, რომ ლაღატი
 მათაც უღლად ზე დააწვა!

